



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Consideratio de Negotiatione spirituali Sacerdotis.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

oro merces tua ( ait pius Author in Persona Christi l. 3. 47.) *Scribe, lege, canta, gema, tace, ora, sustine viri-  
ter contraria: digna est his omnibus, & maioribus pralijs  
aeterna. Veniet & pax in die una, qua nota est Domino,  
erit non dies, neque nox, hujus scilicet temporis, sed lux  
perpetua, claritas infinita, pax firma, requies secunda.*

Legatur totum cit. caput 47. & illa verba bene perpen-  
dantur: O si vidisses Sanctorum in caelo (& multò magis i-  
us Christi) coronas perpetuas: quantà nunc quoque exul-  
tasti glorià, qui huic mundo olim contemptibiles, & quasi  
ipsa indigni putabantur, profectò te statim humiliare  
deceat terram, & affectares potiùs subesse, quàm praesse.

## CONSIDERATIO PRO VIII. DIE.

DE NEGOTIATIONE SPIRITUALI SA-  
CERDOTIS.

Ut hæc consideratio, quæ quasi brevis Repetitio & com-  
pendium priorum erit, cum optato fructu peragatur, aptissi-  
ma erit negotiationis, quam Christus Luc. 19. illis verbis:  
*Negotiamini, dum Venio:* commendavit, similitudo, ut  
in qua, quidquid ad vocationem Sacerdotis ritè exe-  
quendam requiritur, aptissimè indicatur. Quare, ut S. Gre-  
gorius Naz. monet, imaginare tibi, vitam tuam præsentem  
vindicinas esse spirituales, in quibus amplissima tibi offera-  
tur occasio emendi, quidquid pro æterna vita necessarium ti-  
bi fuerit, idèoque more Negotiatorum, & Mercatorum se-  
quentes industrias observa.

1. *Diligenter considera, quales & quanta tibi merces sint  
negotiarum;* Et qualitas quidem mercium à S. Joanne Apoc.  
14. clarè his verbis indicatur: *Beati mortui, qui in Domino  
moriuntur. A modo jam dicit spiritus, ut requiescant à la-  
boribus suis, opera enim illorum sequuntur illos.* Quantita-  
tem verò ex illis Christi verbis Jo. 6. colligere licet: *Ope-  
ramini non cibum, qui perit, sed qui permanet in vitam æ-  
ternam.* Tantæ ergo merces emendæ tibi sunt, quantæ suf-  
ficiant æternum victuro. Heu quantæ! Quare audi confi-  
dium Salomonis Ecclef. 9. & quodcunque facere potest ma-  
nu tua, instanter operare. Ac quemadmodum olim Apel-  
Instruã. VIII.

A a

les



les quaestus, cur picturas suas tam studiosè elaboraret? Respondit: quia pingo Aeternitati; ita & tu opera tua & labores cum omni diligentia & perfectione absolue, quia laboras, & emis aeternitati.

II. Cave, ne falsas merces pro Veris emas; sed optime semper emere stude: Falsae merces sunt Divitiae, Honores & voluptates, quatenus in ijs praecise sistitur, de quarum sorte testatus est Salomon Eccles. 2. dicens: *Cumque me vertissem ad universa opera, qua fecerant manus meae, ad labores, in quibus frustra sudaveram, vidi in vanitatem, & afflictionem animi, & nihil permaserit sole.* Optimae merces sunt virtutes, praecipue charitas & Proximi, patientia, humilitas, victoria & mortificatio &c. de quibus S. Bernardus dixit: *Vera opes non divitiae sed virtutes quas secum conscientia portat.* Itaque certum puta illud Apoc. 3. *Dicis, quod dives sum, & completus, & nullius ego; & nescis, quia tu es miser, & miserabilis, & pauper, & cecus, & nudus.* Suadeo tibi emere aurum ignitum probatum, ut locuples fias.

III. Da operam, ut mature, dum tempus est, emas: nim Servator suo Exemplo docuit, dum Jo. c. 9. dicit: *oportet operari opera ejus, qui misit me, donec dies est; nunc nox, quando nemo potest operari.* Itaque audi S. Paulum Eph. 5. monentem: *Videte itaque Fratres, quomodo ambuletis, non quasi insipientes, sed ut sapientes recognoscite tempus, quoniam dies mali sunt. Non ergo desistite a die bono (vitae tuae) & particula boni doni (id est temporis) non te praeceat.*

IV. Stude pariter, ut levi pretio quam plurimam emas: quid autem levius bonae intentione? bonis de tui ipsius oblatione? atqui secundum horum quantitatem tibi vel pauciores merces offeruntur. Audi ergo Apostolum I. Cor. 10. monentem: *Sive ergo manducatis sive bibitis, sive aliud quid facitis, omnia in gloriam Dei facite.* Audi & S. Augustinum de spiritu & anima sic monentem: *Ecce venale est regnum DEI, emere solum. Nec existimes de re magna propter pretij magnitudinem, cum valeat, quantum habes. Noli querere, quid habeamus qualis sis. Res ista valet tantum, quantum es tu: te*



Mebrū illud. Audi denique eandem super Pf. 103. loquentem: Coronat Deus intus voluntatem, ubi non invenit facultatem. Nemo dicat: non habeo. Caritas de sacculo non regatur.

V. Cura, ut conserves, qua emisisti, & tūc in patriam praestitā: Attende ergo, ut monet Christus Matt. 6. ne iustitiam tuam facias coram hominibus, ut videaris ab eis: alioquin mercedem non habebis apud Patrem tuum, qui in caelis est. Sequere potiūs consilium S. Bernardi S. 54. super Cant. dicentis: In veritate didici, nihil esse aequè efficax ad gratiam promerendam, retinendam, recuperandam, quātū si omni tempore coram Deo inveniaris non altū superere, sed amere. Beatus homo, qui semper est pavidus, & Latrones timens, merces suas, quantum fieri potest, ab eorum oculis occultat, & per manus Angelorum ad caelos deportari curat.

VI. Frequenter super Negotiationem tuam te respice, & luctum cum damno considera, computaque: Certè hæc inter potiores sedulorum mercatorum industrias non postrema computatur; per hanc quippe errores deteguntur, damna percipiuntur, desiderium lucri accenditur, industria acuitur, negotiatio prosperatur, & merces optatæ comparantur & augentur. Unde meritò summopere semper à patribus spiritualibus hæc reflexio commendatur.

Utergo concludam denique & hanc, & reliquas omnes considerations, illis te pij Ascetæ verbis I. 1 c. 23. ad extremum adhortor: Age nunc, charissime, quidquid agere poteris, quia nescis, quando morieris: nescit etiam, quid te post mortem sequetur. Dum tempus habes, congrega tibi divitiās immortales. Præter salutem tuam nihil cogites: Sollicitus, quæ DEI sunt, cures. Fac nunc tibi amicos, venerando Deo sanctos, & eorum actus imitando, ut, cum defeceris, in hac vita illi te recipiant in aeterna tabernacula. Serva te tanquam Peregrinum & Hospitem super terram, ad quem nihil spectat de mundi negotijs. Serva cor liberum, & ad DEUM sursum erectum, qui a non habes hic manentem civitatem. Illuc preces & gemitus quotidianos cum lacrimis dirige, ut spiritus tuus mereatur ad Dominum post mortem feliciter transire. Amen.